

政記

光孝至華山

七

				五	和 書 門
			一	八	
			一	六	
六	一	六			
冊	架	函	號	類	

庫 文 閣 內			
三	五		和 書
九	一	八	
函	六	六	
二	冊	號	
二	架	冊	類

內 閣 文 庫		
番 號	和	15186
冊 數	16 ( 7 )	
函 號	139	138

史傳載紀




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



Kodak, 2007 TM: Kodak





日本政記




光孝天皇

諱時康仁明第三子母女御藤原氏  
在位三年崩壽五十八葬葛野田邑

陵

不詳

春二月天皇即位于大極殿尊先帝曰太上天皇大  
政大臣基經左大臣融右大臣兼左大將多大納言  
兼右大將良世並如故基經請罷攝政使融多代任  
不詳夏五月敕諸將士議大政大臣有職掌否在唐  
朝相常何官六月特詔萬機依舊先稟大政大臣基  
經而後奏聞



信和元年<sup>即</sup>春賜基經宴內殿爲度僧五十人壽其  
五十又賜游獵地一處於攝津以藤原佐世爲大  
學頭初佐世爲基經家司薦令與太學生對策前文  
韋博士都良香謂人曰藤氏何求不得乃又如此欲  
使吾曹徇處生活佐世遂及第爲得業生累遷右少  
辨奏貸新錢三十貫於左右京職以其息充學寮生  
徒菜資下信濃守橘良基刑部獄良基廉直務富  
民治爲當時最其民有與怨家相閱者詣大政官訴  
之官遣使鞠訊怨家良基命收訴者官符譴責不服  
乃召之推斷未竟平良基歷仕五國守罷還不載資

糧其子嘗問治民術對曰百術不如一清及平家無  
餘儲中納言在原行平賻絹布纔得莽  
二年<sup>丙夏</sup>以肥後攝津豐後甲斐四國守經年不赴  
任敕降位一階奪其告身以左中辨平季長爲問  
山城民苦使季長奏請停諸院諸宮及諸王臣家或  
爭民戶田或奪浮浪財物不牒國郡司闌入邑里遞  
相壓略者又奏請民囑託勢家不由國宰爭訟財物  
者不限士浪不論蔭次杖一百所爭物悉沒官院宮  
谷家司并科違敕罪奏可季長着原親王孫也  
三年<sup>丁秋</sup>八月帝不豫召大政大臣基經立第七子

定省為皇太子尋崩初帝多子憚基經未敢立太子  
及是基經入臥內請有不諱傳位於誰帝曰唯公擇  
之對曰王侍從可謂定省也上悅召定省右執其手  
左執基經手泣曰朕與汝得位替大臣力慎勿忘既  
出率百官上表立之帝有志興舊典屢御外朝視事  
宇多天皇諱定旨光孝第七子母中野親王女  
在位十年崩壽六十五遺詔火葬勿  
置山陵  
冬十一月天皇即位于大極殿大政大臣基經左大  
臣融右大臣兼左大將多大納言兼右大將良世並  
如故基經乞歸政不許救萬機無巨細關白基經關

白始此尊生母從二位女御為皇太夫人  
四年戊申春二月詔以大政大臣基經准三宮初帝即  
位詔基經有宜以阿衡之任為卿任語左大辨橘廣  
相所草也或謂阿衡位高不預事基經不憚曰然則  
吾聞人耳命放厖馬奏曰臣聞阿衡無職掌崇高可  
知以臣擬之恐非所堪然居無職之地固臣素志也  
帝驚優詔諭廣相草詔失朕本意朕欲庶政仍舊關  
白於公垂拱仰成而已基經乃奉詔秋九月敕圖  
殷周漢唐名臣像於紫宸殿障子冬十月右大臣  
源多麁

寬平元年配春正月聽基經乘腰輿入朝以大納言  
良世兼左大將中納言源能有兼右大將能有文德  
皇子公冬十二月基經疾乞解職優詔許之是歲  
鑄寬平大寶錢  
三年辛春正月大政大臣基經薨教廢朝三日贈正  
一位追封越前公諡昭宣世稱堀河大臣  
守管原道真為藏人頭道真上狀辭不聽三月以  
大納言良世為右大臣兼左大將即故召太宰大  
貳藤原保則為左大辨先是保則在朝不得意曰吾  
老宜預修真資聞讚岐多紙請為讚岐守曰吾欲寫

佛經耳州民多學法律健訟自保則來人重廉耻及  
除宰府鎮西多盜吏不能禁保則知其由飢寒賑給  
慰撫政尚清簡乃無盜民安之帝聞而召之尋任參  
議兼民部卿九月納內大臣高藤女  
四年壬十月納故大政大臣基經女並為女御 敕  
藏人頭管原道真撰類聚國史  
五年癸春二月罷左大將良世以源能有代之中納  
言藤原時平兼右大將時平基經子夏四月立敦  
仁親王為皇太子藤原高藤女所生以源能有為傳  
六年甲夏五月唐使來以參議管原道真為遣唐大

使報之聞唐亂不果行遂罷使不通  
秋九月新羅海賊入寇筑前守文屋善友防戰大破之斬其將領  
十四人先是西邊數有寇警敕太宰府曰勿以兵故  
令農失時且防且耕至是府驛奏寇復至尋捷報至  
賴襄曰宇多之爲英主也其攬權柄振紀綱躬勤  
儉舉賢能以宗廟生民爲心所以接天智桓武之  
業者不必論也獨觀其處分邊防足以知其他矣  
宰府數奏寇警詔曰勿以兵故失農時且防且耕  
大哉言乎可以爲百世法也大凡太平之世四海  
無虞文恬武熙一有風魚之警上下相驚奔走警

告差將吏運糧伏國內爲之騷擾而寇爲何者來  
爲何由或未之知也來於東則東奔來於西則西  
奔來者之虛實未確而奔者已罷極矣以彼爲虛  
以廢我防而實矣其力不可支也以彼爲實以盡  
我防而虛矣其費不可給也如是數次國有不內  
壞者乎嗚呼亦何不及其本思之沿海之鎮何爲  
而置哉其將吏守何職其兵卒服何業我預於平  
日命爲之處置無非備寇寇至有戰而已何必擾  
擾來告我我亦何必擾擾往援之帝之意蓋亦如  
此而已但雖將卒備矣未有不食而能戰者也故

曰勿廢農時且耕且戰夫使戰而無耕何資以戰  
耕而無戰亦何損於國哉故寇有虛有實而國無  
損有益故曰帝之言可以為百世法也帝不徒言  
之也當時寇出於實而筑前守防戰大捷其効驗  
如此雖然當時所以能為此言成此効者又有其  
本焉本者何也曰收權柄振紀綱躬勤儉舉賢能  
以宗廟生民為心

七年卯春二月定置左右檢非便廳敕中納言兼民  
部卿菅原道真錄囚徒帝患多滯獄故有此令每日  
聽斷無少遲緩道真多所平反三月敕申禁王臣

家出舉私物貸民求利犯者沒物料罪 秋八月左  
大臣源融薨融嘗造別業于宇治嵯峨及東六條河  
原窮極詭麗稱河原大臣

八年丙辰秋八月以藤原良世為左大臣源能有為右  
大臣兼皇太子傅如故 九月廢二條太右藤原氏  
流僧若祐於伊豆以有醜聲也 冬十月太宰府奏  
卿雲見公卿表賀以為政和德至之報詔曰朕即位  
九載水旱癘疫兵興盜起政和德至之言可以偷置  
齒牙乎君臣一體也朕耻卿等亦可耻勿為虛賀又  
敕取御常膳既減省准舊四分一度舉塵露之積以

成禮節之和豈圖水旱相仍諸國闕調百官乏俸不  
怨天不責人朕自取之今軍減三分一省年料雜物  
之半其餘用度中分以折既無謀於富國唯合體於  
貧民而已告中外知朕意焉  
十二年左大臣良世  
致仕  
九年丁右大臣能有薨以藤原時平爲大納言兼左  
大將菅原道真爲權大納言兼右大將中納言源光  
爲權大納言定爲三員是歲尊皇太夫人爲皇太  
后  
秋七月皇太子加元服時年十三帝好佛乘遂  
禪位自著書歷舉古今國家得失臣士賢否誠新主

其略曰明賞罰勿用愛憎慎喜怒勿形諸色勿聽婦  
言勿近小人詢治於有識求道於六經左大將藤原  
朝臣功臣之後雖少諂政事初頗聞得行不謹屢加  
激厲可資輔導右大將菅原朝臣當今鴻儒深通政  
理直言不忌朕立儲貳獨與之議定且將讓位未果  
朝臣曰事留變生遂使朕意如金石則不唯朕之忠  
臣乃新君之功臣其敬重之季長遠典故長谷雄涉  
經典宜進用  
上尊號曰後太上天皇以別於陽  
成上皇徙東三條院尋遷朱雀院

醍醐天皇

諱敦仁宇多長子母贈皇太后藤原氏內大臣高藤女在位三十三年崩



壽四十六葬宇治郡山階陵

天皇即位于大極殿大納言兼左大將時平權大納言兼右大將道真以先帝命輔帝參決機務  
昌泰元年戊午冬十一月朔日南至羣臣表賀大赦帝讀群書治要紀良谷雄侍讀  
二年己未春二月以時平為左大臣道真為右大臣兼右大將並如故道真自以家本儒林而居台司衆望不厭三上表固辭不聽時年五十五時平二十八冬十月上皇削髮法名空理稱法皇  
三年庚申春正月帝觀上皇於朱雀院相議左右大臣

並執朝政無所統一乃召道真密諭使關白庶政如藤原基經故事道真固辭不受且奏召臣無事人必怪之因命題賦詩以獻賜御衣而罷  
以大納言藤原高藤為內大臣無何薨冬十月文章博士三善清行上章命議以為明年辛酉當帝王革命若臣剋賊之運宜深用意清行上書右大臣道真勸其退避道真不能用  
延喜元年辛酉春正月朔日有食之貶右大臣菅原道真為太宰權帥以大納言源光為右大臣中納言藤原定國兼右大將初道真已受殊遇以格君致治為

已任知無不言綜理庶務裁決如流天下想聞風采  
左大臣時平年少氣銳固執不相下道真不欲每事  
立異常竊笑之時平及聞關白密旨益不憚光爲帝  
舅與定國皆以門地高愧位道真下式部少輔藤原  
菅根道真所薦嘗忤意被怒啣之時平因與三人相  
結譖道真於帝誣其欲廢帝立齊世親王親王道真  
女婿也帝震怒下敕貶謫道真憂悶無以自白作和  
歌哀訴上皇上皇驚欲見帝申救菅根戒門者不通  
道真男女廿三人流徙各異處天下冤之時平又欲  
禁錮放逐諸及菅門者三善清行諫而止之

菅原相公之貶世專咎藤原時平稱譏臣必以爲  
稱首穎襄以爲不然曰自外戚專政類此者多矣  
不獨時平也前焉加良房之斥安倍安仁基經之  
不用藤原保則後焉如師尹之除源高明兼通之  
忌中書王皆是也其意曰台司獨我家爲彼何爲  
者如源常與信光以其易制故得伴食耳其與已  
相軋者輒搏擊而太之豈獨時平哉貶菅公非必  
時平所致也然則誰所致曰宇多致之也宇多非  
患相問之如彼故擢公使與之衡亦丁寧醍醐專  
聽於公者也哉曰是所以禍公也夫如彼者非一

日也中外慣習以為當然擢之寒族俛與之衡而能衡焉無敢異議何哉鑒識之者在焉爾故守多在位則儼然右大臣人望而畏之一去位則文章博士妄據政府也雖無時平不可久安者勢也且夫家宰之罷於父者其子必憎之憎其倚父寵以制我也以為我自有所用何必是且已所用與已年齒相若志趣相投而父所用皆吾民庶之家且然況人主有天下者乎人主之所樂者此位也故其所忌莫甚於兄弟之逼於已中其所忌以使恣其所樂官乎其言易入也況出於已所用常所愛

信者之口乎故延喜之貶菅公不必待時平之數言也其情素然也情與勢者天下之所不能違也而宇多欲以一紙遺誡禁之其不可也必矣故致菅公之貶者非宇多而誰乎而公亦可謂不自慮者矣吾嘗審遺誡所言立儲禪位之議菅公實贊決之曰事留變生蓋是時經基之女未有所生生則不可不立也公豈慮於此邪然已定儲矣雖不禪位可也其意蓋謂雖禪位猶當傍觀扶植之不知權已不在我我言寧可行耶宇多崩於兼和元年去禪位三十四年專修佛法噫以此三十四年

問讀經研法之勤移之於政政當更何如哉而公亦終其輔翊之功何貶謫憂死之有哉襄故曰公之貶守多致之也而公亦有以自取之也  
秋八月左大臣時平大外記大藏善行等七三代實錄實錄道真所定居多以其貶不得列名善行年七十時平會一時名士閑宴稱壽執弟子禮時人榮之  
三年癸亥春三月前右大臣兼右大將太宰權帥菅原道真薨道真博學敏文詞爲宇多帝所識拔終大用及在配所閉門不出以文墨自遣至是薨年五十九  
四年甲子春二月以崇象親王爲皇太子後改名保明


母女御藤原氏基經第四女也右大臣源光爲傳  
三月法皇造室仁和寺稱御室  
五年丑大內記紀友則御書所預紀貫之筆撰古今和歌集成上之初平城朝有萬葉集及嵯峨好唐詩和歌幾廢帝有志興廢敕撰之  
六年丙寅夏五月帝受史記於式部大輔藤原菅根  
秋七月右大將定國薨八月以右大臣源光兼右大將  
八年戊辰冬先是敕時平及大藏善行撰延喜式至是成上敕頒行之

九年<sup>巳</sup>夏四月左大臣藤原時平薨時平多權教帝  
患<sup>難</sup>臣奢華禁之不止時平密奏故自着美服入朝  
帝佯怒召職事曰左大臣身儉約以率百僚乃自犯  
朕禁時平為惶懼者屏隨身步歸第閉門謝客月餘  
時人相戒從儉源光轉左大將中納言平維範兼  
右大將秋九月維範薨以權中納言藤原忠平兼  
右大將忠平時平弟雅善菅原道真及其謫數問遺  
之不以兄故喪時人多之

十二年<sup>壬</sup>夏疫京師火是歲中納言紀長谷雄薨  
長谷雄文才敏贍詔敕多出其手嘗與三善清行論

文不合清行罵曰自古無有無才博士有之始於汝  
長谷雄不與校其慎如此時諸學士多以議論相凌  
任誕矜傲者菅原道真嘗寄詩長谷雄勸以敦厚化  
俗及道真及島田忠臣等相尋逝長谷雄歎曰延喜  
以後無復知我者

十三年<sup>癸</sup>春三月源光薨先有膽識不惑妖妄說然  
以陷菅原道真為時議所貶夏四月以藤原忠平  
兼左大將中納言藤原道明兼右大將  
十四年<sup>甲</sup>春二月帝方厲精求治以連年水旱不登  
詔求直言式部大輔兼大學頭三善清行上意見封



事其略曰國朝天險土次民庶臣服三韓所以能然者國俗敦龐民風忠厚輕賦斂疎徵發上垂仁牧下下盡誠戴上一國之政猶一身之治自後化漸薄法滋彰斂增役倍戶口日減田畝日荒既而佛法初傳上下競傾產造寺捨田施丁極於天平國分二寺各用其國正稅而天下之費十之五桓武營宮城蓋賦庸調又費五之三仁明好奢後房之飾竭帑倍賦入費二之一負觀中宮殿頻災復修又費一之半矣則當今曾非古之十一也臣曾爲備中介試閱其一鄉神護中有二千丁者負觀初七十餘人及臣時得九

人今聞其無一人二百五十年來衰弊如此以此推之天下虛耗可知陛下照萬古興衰宵衣旰食降惠民庶興復寧無可期謹陳便宜十二事其一請肅祭祀祈豐禳不徒備故事而已其二請禁奢侈負元間親王公卿以筑紫絹爲夏衫今史生以白縑爲之婦女婢妾非紈綾不服富者誇逞志貧者耻不及一衣破產一饌盡資田疇爲蕪盜賊爲滋望隨階定制至於葬喪亦然純其僭忒自上率下源澄而流清矣其三請修口分田此制爲收租庸調而今已奸田闕貢牧宰懷無用之藉豪富以并兼之利須令閱實班給

其遺田收爲公田任國司法或納地予以充無身之  
調租猶有遺稻納之不動今略計其數三倍調庸爲  
公有利爲民無損其四請復大學學田治國在賢得  
賢在學今至以大學爲坎墮之府凍餒之鄉望復學  
田又嚴敕博士公貢舉法專論材藝不得受請託其  
五請減五節選妓員無襲前朝好內之例其六請增  
置判事舊制判事六員今獨大判事用明法者以萬  
民死生繫一人脣吻括五刑輕重決獨見讞書乖閱  
實之理望依舊皆擇明法律者使俱議科比詳定條  
章其七請均給百官四季祿比年官庫乏物唯公卿

及出納諸司充給其餼五六年難給一季料雖閑忙  
殊務至於頒賜宜無差別其八請停諸國夫民越訶  
以牧宰之重與小吏賤民比肩受鞠雖事得白威權  
已廢知耻之士誰冀爲吏望盡拘以文法除及逆外  
不發朝使其九請定勘籍人數三官以下諸王太夫  
命婦資人諸司衛府武兵二省籍人一歲稍及三千  
入國朝課丁課輿羽率九國外不滿三十萬而大半  
無有身則見丁十餘萬人而已其中歲除三千人未  
盈四十年天下皆爲不課之民望年立定額大國十  
人以次差之以載蠲符其十請選任檢非違使弩使

檢非違使本掌糾境內奸濫今其民終贖勞科者爲  
之望監試明法學生充任今與羽鎮西及沿海諸國  
弩師皆充年給許令斥賣唯論價直不問才伎望令  
六衛練習隨功勞任之其十一請禁僧徒濫惡及宿  
衛強暴官符禁權貴規錮山澤侵奪田地吏易施治  
民居得安猶遺是等今諸寺僧得度年二三百人大  
半邪濫及逃課逋租者天下之民禿首者居三之一  
皆畜妻啖腥甚者爲盜竊鑄錢望痛禁懲之奪度牒  
返本役六衛舍人須結番警備而散落諸國此皆部  
內強豪遭國司糾勘奔入洛納貨藉宿衛者望既充

補不得歸住寧歸者限暇日取府牒送國衙過限者  
解職送狀本府其十二請修魚住泊西南三道舟程  
自檣生至河尻五泊各一日行今此泊廢自韓泊直  
指輪田蕩覆年百艘望差官司修造以播備稅給費  
其餘嚮既所獻言不更重陳帝嘉納焉是歲禁奢靡  
服

賴襄曰三善清行以實用之才爲實用之學雖管  
原相公恐有所不及其封事者所言雖有不敢盡  
者而切中時弊可用當世與彼爲無用之文詞者  
大異然其爲書母慮五千餘言吾恐讀者徒誦不



得其要領也私芟繁除複約爲千餘言而又究其  
意所歸宿論之曰清行之意不過張紀綱修版籍  
以復物力而已矣夫物力者國之所以存也而其  
所以盛衰息耗者在於紀綱版籍二者故祖宗定  
制必於此致意焉使後世子孫賴以守其國無此  
不可一日守也然守之久二者歲弛月廢各存實  
亡其終至於守空器而天下之實移焉是和漢之  
所同而國朝爲著焉清行生於其漸弛廢之時欲  
有以救濟之當時君相非不嘉納之也而不能盡  
用及至其後弛者倍弛廢者滋廢獨後三條有志

於興復之而短祚不能有成委靡壞墮以至保元  
而究矣由二者之不脩不張也豈非百世之永鑑  
哉本朝富庶過絕外國誠如清行所言而當時丁  
口耗減如此其後未知又如何也而至輓近則息  
矣然當時有可班之田而近世則否是古今所異  
耳至彼不可不脩張之者則一也故清行之言不  
特可用當時也天下之事固有衆人不憂而有識  
之士獨憂之者上共其憂則其憂可止上不共其  
憂而使之獨憂焉憂將日深耳烏見其止也清行  
此時已七十矣而位不過四位官不過儒門常格

既而纔得參議未幾而沒嗚呼此人也而不知用  
 則所謂延喜之政亦非空名無實者邪向使寬平  
 不早去位與管公并用焉以盡其才則可以收興  
 復之實效矣吾不獨為此人情為王家惜也自古  
 有人才之用舍關國家之運者豈獨清行哉  
 夏五月東京火延燒六百餘家救賑給遭火者  
 八月以大納言忠平為右大臣  
 十五年乙亥冬大赦天下免延喜十年以前七道調庸  
 減近年徭半  
 十六年丙子夏貞純親王薨親王清和第六子從妻父

源能有學武事子孫賜源姓朝臣世為將帥者本於  
 此冬十二月從四位下參議三善清行卒年七十  
 二  
 十七年丁丑旱自九月不雨至十二月京城井涸救許  
 民汲冷泉院及神泉苑池水數日皆竭  
 延長元年癸未春三月皇太子保明薨追復故右大臣  
 菅原道真官爵贈正二位謫道真以來歲比不稔數  
 旱疫太子暴薨世以為道真為祟故有此命夏四月  
 立太子之子慶賴王為皇太子  
 二年甲申春正月以右大臣忠平為左大臣大納言兼

右大將藤原定方為右大臣  
三年酉夏皇太子慶賴薨冬立皇子寬明為皇太子  
皇太子故太子保明同母弟以左大臣藤原忠平為  
傳其母兄也

四年丙定諸國上損戶法

五年丁冬延喜式成

六年戊夏使少內記小野道風書歷代賢君名臣言  
行於清涼殿南廂粉壁道風篁孫葛絃子也

七年丑秋七月大風雨鴨川决救發正稅賑山城被  
水者甚者免調庸

八年庚寅敕左右京移養飢疫貧民於施藥悲田兩院

夏四月渤海國使裴璆等來先是契丹主阿保機

攻滅渤海改號東丹命其子突欲鎮之璆等降附至

是自稱東丹國使敕曰東丹失禮義使者無人臣之

節謬奉臣下使以入上國宜詰責以懲將來因卻逐

之前此渤海數通使此後遂絕六月雷震清涼殿

大納言藤原清貫右中辨平希世等震死帝不豫

秋九月帝病篤禪位皇太子詔左大臣忠平輔之遂

崩貴詔薄葬不奉謚帝致心政治每羣臣奏對必和

辭色曰人主形威嚴何以得臣下盡言哉又嘗方寒

日本政記 卷之七

夜親脫御衣以體凍餒之苦世以比仁德帝後世言治必稱延喜云

朱雀天皇

諱寬明醍醐第十七子母中宮藤原氏攝政基經第四女在位十七年崩

冬十月天皇即位于大極殿左大臣忠平攝政十二

月右大將定方轉左大將大納言藤原仲平兼右大

將帝生於舅忠平第至是甫八歲生薄弱常在深室

少見天日世以為菅氏宗仲平忠平兄也

兼平元年辛卯以京師多盜命衛府檢非違使每夜巡

捕秋七月宇多法皇崩年六十五法皇深於佛理

所謂廣澤少野二派皆推法皇為宗祖屢微行尋畿

甸名山遺詔以席裹棺約以葛火葬勿起山陵奉謚

號天皇無謚始於此

二年壬辰秋八月定方薨仲平轉左大將尋為右大臣

大納言藤原保忠兼右大將冬南海道賊起遣警

固使諸國奉幣諸社後又修大元法於豐樂院及治

部省以祈賊平

六年丙申夏六月以從四位下紀淑人為伊豫守追捕

海賊淑人務招流亡賑困窮威惠並行降渠帥三十

餘人眾二千五百分給廢田及衣食悉就農耕海氛

息

餘人眾二千五百分給廢田及衣食悉就農耕海氛

息

餘人眾二千五百分給廢田及衣食悉就農耕海氛

息

餘人眾二千五百分給廢田及衣食悉就農耕海氛

盡清淑人長谷雄子也。秋七月右大將保忠薨時  
平長乎八月太納言藤原恒佐兼右大將左大臣  
忠平為大政大臣聽牛車出入闕門  
七年丁酉春正月帝加元服受朝賀仲平為左大臣右  
大將植佐為右大臣  
天慶元年戊戌夏恒佐薨以中納言藤原實賴兼右大  
將忠平子也是歲地震震冬大雪深丈  
二年己亥秋八月盜射殺尾張守共理 冬十一月下  
總盜起攻常陸介藤原維畿下野守藤原弘雅上野  
介藤原尚範皆敗之初上總介高望葛原親王子也

賜姓平子良將為鎮守府將軍良將子曰將門勇悍  
善射少仕攝政忠平求為檢非違使忠平不省將門  
走趣下總聚徒為盜嘗與叔父常陸大掾國香下總  
介良兼數相攻鬪朝廷將討之將門先馳詣闕疏辨  
得釋及良兼卒乃據下總襲執維畿武藏權守興世  
王為謀主因遂割據關東攻降弘雅逐尚範自僭號  
平勃皇開府猿島偽置百官諸國亡賴徒爭殺官吏  
應之初將門與藤原純友者親密嘗謂之曰吾王疾  
當為天子子藤氏當為關白於是純友為伊豫掾任  
滿不還據海島遙應將門攻殺備前介藤原子高嘉

師戒嚴閉三關。春正月，敕進天下各神位一階。下官符東海。東山二道，募勇敢士能殺賊帥者，賜朱紫田地。世襲。次將以下隨功賞之。二月，以參議藤原忠文爲征東大將軍，賜節刀討下總賊。以小野好古爲山陽道追捕使，討伊豫賊。三月，常陸掾平貞盛與下野押糧使藤原秀鄉等擊下總賊，平之。五月，征東大將軍忠文等途還，叙貞盛秀鄉並從四位，下賜功田。貞盛國香子有武幹，欲報父仇，不克來訴朝廷。朝廷授此官，乃與秀鄉收兵四千，襲殺將門忠文。素恪勤，及受

命不歸家，直發至駿河，聞事平乃還。朝議欲與褒格，實賴以其無功，不可。藤原師輔曰：是不爲無勞，何可獨遺實賴固執不可。秋八月，讚岐公藤原國風討伊豫賊，大敗之，賊走太宰府。四年辛丑春，追捕使小野好古追擊悉平之，先是國風招降賊將藤原恒利，以爲鄉導，衝賊巢窟，純友敗走太宰府，燒周防鑄錢司，又侵土佐。好古與太宰少貳源經基、主典大藏春實等水陸合攻，戰於博多津。春實爲先鋒，戰尤力，賊敗入海。好古急追殺溺，略盡純友亡，還伊豫爲警，固使橋達保逆擊斬之。

國朝定制以來稱動兵革者止於邊寇未有臣子  
內叛者有之始於天慶論者歸罪於朱雀之君相  
賴襄曰是徒見其末未探其本也天慶之亂釀於  
延喜之朝何以言之曰天下之亂猶魚之爛也魚  
之爛也其腸先敗視其鱗鬣猶仍鮮美也以爲鮮  
美而度置之翌日而出之潰餒臭腐不可食矣觀  
延喜之朝廷其禮文制度豈不備且美哉時稱太  
平數舉宴樂召集文士歌頌鬱起而水旱疾疫民  
不聊生盜賊充斥閭里雖有經理之政徒行於近  
不周於遠也世徒稱其寒夜脫御衣之一事是所

謂有仁心仁聞而澤不及民者也且自貶菅原相  
公而藤原氏之勢倍盛其立國儲舍長子克明而  
立保明以其爲基經外孫時平外姪焉爾猶之可  
也及保明天更立其子其子亦殤而立其同母弟  
帝多皇子當是時言其長則有代明言其賢則有  
重明有兼明皆舍不立而必立相家所出何也非  
憚之哉是所謂仁而不武無能達也時平既沒又  
以其弟忠平執政託以八歲天子以臨制如彼之  
天下如之何其不亂也余嘗於外史詳叙此亂而  
論之曰是由相家驕傲壅隔上下之所致蓋君相

所務不過目前之私天下之紀綱敗壞也人才壅  
帶也姦詐窺伺也皆漫不省恤及其潰決也所謂  
雖有善者無如之何者何況朱雀之公卿乎徒呼  
號神明以求救濟不足怪也朱雀之時右大將保  
忠每冬月入朝炙餅懷之以自煖稍冷賜之從者  
世稱其慈惠呼為賢人大將右大臣實賴聚羣兒  
啖菓隔牆聽其語以知世情世稱其用心於政常  
時大臣之所為徒如此類而已微祖宗德澤此焉  
能濟禍亂而何足責哉  
冬十月太政大臣忠平改攝政為關白如基經故事

十一月帝自寫法華經追修兵死者福後亦詔諸  
寺造一萬率都婆是歲納忠平孫女為女御大納言  
實賴女也

六年癸卯夏旱疫

七年甲辰夏以大納言藤原實賴為右大臣立皇弟成  
明親王為皇太弟以帝無子以為儲貳也是歲秋大  
風雨

八年己丑秋大風雨左大臣仲平薨仲平嘗為左大將  
有星變占咎在大將右大將實賴禳之仲平不讓曰  
實賴年少才高吾已老矣亦何損於國性好殖貨



倉庫多於宅地稱枇杷大臣十一月實賴轉左大

將大納言師輔兼右大將

九年丙午帝禪位皇太弟遷朱雀院帝性柔仁關白忠

平嘗奏外議以為時政過寬帝曰朕聞之先帝君家

先關白有言政如張琴大絃急則小絃絕朕若嚴急

下民何堪

村上天皇諱成明醍醐第十四子朱雀同母弟在位二十一年崩壽四十二遺詔勿

置陵葬於葛野郡村上山陵

夏四月天皇即位于大極殿太政大臣忠平右大臣

兼左大將實賴大納言兼右大將師輔並如故帝年

二十一忠平關白庶政實賴師輔其二子也

天曆元年丁未夏實賴為左大臣師輔為右大臣是歲

祀前右大臣道真于右近馬場參議兼民部卿藤原

忠文率忠文嘗為近衛司每宿直繫寮馬於側聞其

嚙芻聲警眠帝欲聽其昇殿固辭而止

二年戊申夏旱秋大風雨

三年己酉春關白忠平以疾請致仕優詔不許敕賜度

三十人敕十六寺禱之秋薨年七十贈正一位封信

濃謚負信忠平與兄時平仲平並執大政世稱三平

陽成上皇崩年八十三

四年<sup>庚戌</sup>秋七月立皇子憲平爲皇太子母藤原氏左大臣實賴爲傅先是大納言藤原元方女爲更衣生皇子廣平元方喜謂必爲國儲而右大臣師輔女爲女御生憲平生七月立爲太子元方失望遂以憂卒後冷泉華山三條三帝皆短祚世謂元方爲祟也秋八月朱雀上皇崩稱朱雀院天皇稱院始此八年<sup>甲寅</sup>春太皇太后藤原氏崩秋九月式部卿重明親王薨題翻子好學醍醐崩臣子喪服替期而除獨重明行三年喪所著有吏部王記右大辨管原文時上封事請停賣官曰方今授任

非不正而有以財官人助國用者功勞之臣自退聚斂之徒爭進昔漢明帝不許公主爲子求郎而賜錢十萬以官非其人則害及百姓也降及祖靈乃初賣官漢業以衰是可鑑也又請禁奢侈懷遠人帝皆嘉納

九年<sup>乙卯</sup>夏罷師輔右大將以大納言藤原顯忠代之十年<sup>丙辰</sup>秋旱詔減服御常膳禁左右馬寮秣穀量停諸作役省冤獄令諸國灌漑先貧後富賑恤窮民除畿內七道天曆五年以往調庸未進者免東海東山山陽三道驛戶田租限三年先是羣臣奏請減俸祿

不許至此表減十分之二

天德元年丁丑羅賓賴左大將以顯忠代之中納言師

尹兼右大將顯忠時平子師尹忠平子也冬以連

年穀貴運近國不動穀於穀倉院置常平所

二年戊午十月立女御藤原氏為中宮皇太子母也是

歲鎮守府將軍源經基卒經基負純親王子賜姓源

子滿仲又襲父官

四年庚申夏師輔薨師輔能容衆雖久闕問者至則待

之如初是以父時賓僚多來歸焉是歲三月御清涼

殿為歌合會歌合始此八月以大納言顯忠為右

大臣九月禁中火歷代重器文書多亡帝避於太

政官朝所深自警懼召左大臣實賴曰其助輔不逮

乃索得神鏡燼中內侍以袖受之以出遂稱鏡曰內

侍所冬帝徙御冷泉院敕課畿內南海及東至美

濃西至長門十六國修宮期以明年令大納言藤原

在衡董役

應和元年辛酉夏五月詔免造宮諸國半租十一月宮

成還御

三年癸亥冬大納言源高明奏請獎學院諸生準勸學

院例給年官任諸國掾

康保元年<sup>甲子</sup>夏中宮藤原氏崩納其妹為尚侍中宮  
右大臣師輔女有婦德帝屢問政事所謂多聽又藤  
原師尹女為女御以明慧得寵遂踈右右崩帝乃念  
之右妹登子為帝兄重明親王室出入宮中帝悅之  
通焉及重明薨欲納之而憚右右崩踰月乃納為尚  
侍絕寵之至晝不出寢欲立為中宮以前有子乃止  
左大臣實賴竊惜其累德而不能匡正也  
二年<sup>丑</sup>夏左大將顯忠薨年六十八時平子也性節  
儉出無前驅諸兄弟皆壯歲沒世為菅氏崇顯忠每  
夜出庭拜訃五月以大納言源高明兼左大將醍

醐第十七子延喜中賜姓源 冬十月車駕行幸朱  
雀院觀左右馬寮騎召文臣四十人獻詩親試之  
三年<sup>丙寅</sup>春以源高明為右大臣三月御射塲試親  
主公卿以下射秋大水賑兩京民被災者甚者免  
調徭  
四年<sup>丁卯</sup>夏五月帝崩帝寬恕恩無偏私嘗問近臣外  
間以朝政為如何對曰稱其寬帝喜曰朕志也又嘗  
召一老吏問曰朕治孰與延喜老吏懼不敢對帝頻  
問之吏乃曰賤臣何有所見唯覺主殿寮多進松明  
率分堂前生草與前代少異耳蓋寮政務所會堂割

大藏省十分一別納謂政事煩劇歲貢無餘也帝聞之有愧色自是益加意政治論者謂其亞醍醐稱延喜天曆云帝好文學多才藻而愛文士上素寵任大納言源延光適有疎待色延光懼不朝俄召見曰學生藤原雅材者甚有文才卿盍薦之延光頓首謝乃奏雅材爲郎故事文章博士必兼他官橘直幹爲博士七年未有所兼上疏自訴貧困帝不憚而愛其訓即日下敕兼民部大輔直幹疏請小野道風所書上以其詞書而絕甚愛玩之後禁省火先問曰直幹疏無恙其愛才如此

賴襄曰世之言王政必稱延喜天曆以其典章文物爛然具備而已察其實多不稱者譬若人之風乎跌麗而心腹蓄疾是良醫之所畏故識者於二代無取焉而謂天曆不及延喜者非也然當時已謂然矣觀村上與老吏問答可見焉襄獨以天曆爲勝延喜何以知其勝即此一事以知其勝也夫以萬乘之尊問政事得失於一賤吏非其留心於政孜孜不倦何能如此至聽其言以自知不足益勤於政則人主之所絕無而履有足以爲百世之法矣延喜恐未能及此何則其先皇之遺誡而不

肯聽也則其他可知矣和顏接下導之使言可矣  
因災異求直言可矣而不聞其聳懼聽納其言而  
省於已如此也蓋老吏言所謂主殿寮多進松明  
者言劇務至夜未已也夫清其本源使不至煩劇  
上也其次雖至煩劇勤而不倦也倦而不勤斯爲  
下矣所謂率分堂生草者言歲貢無餘也夫量入  
以爲出國計常有餘者上也其次出者與入者相  
當也量出以爲入而猶不足者斯爲下矣醍醐繼  
列朝太平之業而村上兼天慶大亂之後國用之  
贏縮宜相懸絕也而其賑恤之政視之延喜無或

不及非勤政之功何以至此以此言之雖曰天曆  
勝延喜可也其授政權於外戚則延喜之遺毒不  
可解免耳雖然兼明高明於帝爲親兄弟藤原在  
衡於戚黨爲疎屬而皆引當要路使與諸權戚相  
鈐制視之延喜之忌弟逐父所簡遺大臣而獨任  
二后兄者孰與耶或曰高明亦以中宮妹夫爾然  
則謂兼明在衡何乎至若夫好內寵帷簿不修所  
謂累德之大者雖然未至如唐明皇奪子之妻勤  
政不終終速大亂要之當時風習多如此者不可  
專尤於帝也

冷泉天皇

諱憲平村上第二子母中宮藤原氏  
右大臣師輔女在位二年崩壽六十

二火

冬十月帝即位于紫宸殿帝有疾未愈不能御大極殿時年十八十二月左大臣實賴為太政大臣叙從一位關白庶政聽節會日不就班直上殿立皇弟守平為皇太弟右大臣高明為左大臣大納言師尹為右大臣  
安和二年己春三月貶左大臣源高明為太宰權帥藤原師尹為左大臣兼左大將大納言藤原在衡為右大臣大納言藤原伊尹兼右大將初村上中宮生

帝及為平守平二親王殊愛為平中宮妹適高明高明又進其女為平妃既而中宮與其父師輔皆逝為平失勢村上以帝有心疾欲立為平為其儲貳諸藤原氏以婚其源氏沮之及村上崩關白實賴稱遺詔立守平高明失望右大臣師尹害高明常謀因事除之代其位至是帝病不愈中外謂當有禪位方馬頭源滿仲與中務少輔橘繁延等密謀奉為平走關東為亂已而滿仲意中變詣師尹誣告高明與繁延等謀廢立上未之信師尹急戒嚴諸門遣兵圍高明第矯詔貶謫繁延等皆坐流京師騷擾如天慶亂為

平漫懼欲削髮帝慰諭止之秋八月帝疾劇禪位  
皇太弟遷冷泉院計其心志亦謂門下大臣高  
東賴襄曰安和之變可謂可疑矣夫源高明進安於  
爲平親王出村上之命曰謀擁立之以擅政者臆  
逆之言耳雖然村上欲立爲平爲冷泉之儲武而  
以其與源氏婚有沮之者實也及村上崩遂矯遺  
詔立守平親王蓋不厭中外之心故曰高明失望  
出怨言者或輿誦所傳也而亦未可必其實否也  
舊史乃稱高明怨望爲亂者所誣告連及然而所  
謂作亂者何人哉非省府下僚則國介耳典既耳

忽謀奉親王奔關東爲平親王之所爲是最可疑  
者也不然其意中變走告者就中稍有威望者也  
饒令自首宜少加斥黜而無所問即雖稱爲逆首  
者問歲輒召還給封三百戶無所防護何哉嗚呼  
此與兼和之變延喜之事其情一也三者獨延喜  
世全知其寃而兼和與安和以半爲實以半爲寃  
吾斷以爲全寃也構此寃獄者有主有從延喜之  
源光安和之藤原師尹皆所謂從也知延喜之爲  
主者則知安和之爲主者而兼和之爲主者亦可  
知矣曰雖然主於兼和者未逞其志者也主於安



和者則既逞矣而何苦組織構成之耶曰彼以其  
所據地為私有欲私相傳恐他人奪之也故其所  
組織獄詞皆如自言已之肺肝也

諱守平村上第五子冷泉同母弟在  
位十五年崩壽三十三已遣部勿置陵

圓融天皇茶毘藏骨於  
村上陵側

秋八月帝即位于大極殿太政大臣實賴攝政如負

信公故事立冷泉帝長子師負為皇太子左大臣師

尹為傳冬左大臣師尹薨大納言伊尹轉左大將

中納言賴忠兼右大將賴忠實賴子伊尹師輔子

天祿元年庚春以藤原在衡為左大臣伊尹為右大

臣以大納言源兼明為皇太子傳兼明醍醐子天曆

康保間累遷至本官夏攝政實賴疾病詔大赦天

下收之遂薨追封尾張公謚清慎實賴練達朝章人

稱其盡心政治薨年七十一右大臣伊尹攝政八

月賴忠轉左大將大納言藤原兼家兼右大將兼家

師輔第三子冬左大臣在衡薨系出左大臣魚名

在村上朝以恪勤至大納言常探知帝所讀書每入

朝車中看其書遇顧問占封明悉以是得寵源高明

之貶在衡聞之歎息家臣賀當代其位在衡大怒逐

之

二年未<sup>辛</sup>冬伊尹爲太政大臣大納言源兼明爲左大臣  
臣賴忠爲右大臣兼明高明兄是歲召還高明  
三年<sup>壬</sup>春帝加元服冬伊尹疾賜度者八十人遂薨  
封參河公謚謙德以權中納言藤原兼通爲內大臣  
內覽宣旨兼通伊尹弟兼家兄也以兼家超已顯達  
常舛望屢廢朝參上稍踈之兼通意望攝關恐兼家  
妨村上中宮其妹也其在時兼通嘗竊詣其手書曰  
攝關有闕當兄弟相及不宜躐等置之懷袖及兄伊  
尹病篤料其不起乘間進請上望見欲起入兼通捉  
上裾復座乃奉其書上視母右手跡愴然乃超任之

天延元年<sup>癸酉</sup>秋立內大臣兼通女藤原氏爲中宮  
二年<sup>甲戌</sup>春兼通爲太政大臣關白庶政  
三年<sup>乙亥</sup>叙從一位賜牛車  
貞元元年<sup>丙子</sup>夏五月禁丹火課諸國再造宮城六月  
地大震至九月不止民多壓死帝避出南庭周帳爲  
御坐遂遷御關白兼通堀川第  
二年<sup>丁丑</sup>夏四月罷左大臣源兼明以藤原賴忠爲左  
大臣大納言源雅信爲右大臣賴忠兼通所善兼明  
其所惡也冬十月兼通有疾以賴忠爲關白罷兼  
家右大將以中納言藤原濟時代之初兼通已專政

又通請爲關白第宅僭擬宮闕有謗者中以危法時  
人語曰寧投虎口勿觸攝政口與兼家益嫌隙朝臣  
詰兼家者以夜又奏誣兼家女幸於冷泉上皇生子  
因圖廢立帝不信兼家聞其疾劇曰吾將爲關白遽  
入朝兼通聞其喝道聲以爲問已病拂席竝過門不  
入乃大怒奮起力疾入朝兼家望見避之兼通意色  
殊惡直前奏曰臣今日行最後除目左大臣賴忠當  
代臣爲關白兼家謀反當解見任左轉治部卿奏可  
兼通顧公卿曰誰欲大將皆相目未言濟時超進曰  
臣可乎乃奏代兼家濟時師尹子也兼通還第薨追

封遠江公諡忠義 十二月權大納言藤原朝光兼  
右大將

天元元年戊寅賴忠爲太政大臣關白如故源雅信爲

左大臣藤原兼家爲右大臣先是兼家作歌哀訴帝  
慰答之及兼通薨賴忠奏復其官

二年己卯夏中宮藤原氏薨

三年庚辰冬禁內又火詔減御膳免諸國調庸逋負除  
徭半

四年辛巳春免與修宮役諸國半租

五年壬午春京諸國多盜賊奪調庸放火劫人有盜露

又登弘徽殿捕得之夏六月盜火式乳門冬十一月  
禁內又火帝遷御堀川後院明年夏四月以屢火改  
元永觀大赦

永觀二年甲申秋八月帝讓位皇太弟立皇子懷仁爲  
儲貳初中呂崩立女御遵子爲中宮賴忠女也先是  
兼家女詮子亦爲女御有寵上以賴忠故不敢立兼  
家患已而詮子生懷仁其第上欲臨視憚中宮不果  
數召詮子兼家留不遣又自稱病不朝上欲慰之令  
懷仁着袴禁內詮子因入宮三日又出上又携懷仁  
出觀相撲節會因強起兼家入朝親諭之以傳禪意

曰卿不知朕意耳兼家乃悅是歲能登守源順卒  
頃嗟哉帝四代孫有才學而沉滯作無尾牛歌述懷  
上聞憐之與此官在位三年卒著有和名抄

花山天皇

諱師貞冷泉長子母藤原氏攝政伊  
尹女在位二年崩壽四十一葬於紙

屋川上法  
音寺北

冬十月天皇即位于大極殿時年十七太政大臣賴  
忠關白庶政左大臣雅信右大臣兼家左大將朝光  
右大將濟時並如故權中納言藤原美懷左中辨藤  
原惟成參決機務美懷伊尹子機敏諳朝章雖以資  
望尚淺未升合司然以外舅故親任惟成右少辨雅

材子方正有幹略與美懷恊心贊畫文章博士兼彈  
正少弼大江匡衡爲侍讀帝厲精圖治紀綱稍振盜  
賊屏息先是太宰府多私帶兵仗者聞上即位皆解  
散詔求直言曰朕在東闈十餘年即位日淺粗聞前  
事欲圖後治頃水旱頻降民困土木浮食日多少執  
節儉倉廩已竭田園自荒夫國之將興上下聚唇其  
將廢道路以目雖澆季之俗疲極之民忘身戮力庶  
可挾濟人和而天和民足而君足所謂大臣重祿不  
諫小臣畏罪不言下情不上通此患之大者且令公  
卿以下內外百官五位以上及秀才明經及策者各

一封事匡朕不遠卿等自慮中心廣詢衆庶莫遺微  
賤凡國之利害政之得失盡露其膽莫得諱隱  
寬和元年酉秋七月女御祇子平大納言藤原爲光  
女也

二年丙夏六月右大臣兼家使其子道兼奉帝出宮  
削髮于花山元慶寺權中納言美懷左中辨惟成並  
削髮從之初上性輕佻數易所幸獨祇子不渝有身  
例出宮就其家上不忍離強召同寢終不分婉率上  
哀毀心亂道兼爲藏人左小辨雄策多智兼家授之  
計勸上遜位歸佛曰臣亦奉從上許諾約期美懷惟

成知之數諫慰是月庚申夜道兼得間使人先奉劔  
璽於東宮已與僧嚴久潛奉上出宮上猶豫道兼急  
促之入寺厥明落飭道兼將剃佯請還家訣父母乃  
去不復來天文博士安部晴明察乾象有變急入朝  
奏之不及美濃與惟成聞之馳至寺相視失聲愧輔  
翼無狀竝薙髮爲僧持戒終身法皇歷遊嘗苦至病  
臥海濱殆不起後入京居外祖母家稍近婦女  
賴襄曰王家之事至冷泉圓融花山之際吾不欲  
復論之也夫以帝王之貴宰輔之重宗廟社稷生  
民之所寄而其廢立黜陟一依閨閣之私寧可復

論其得失哉至兼通兼家之事可謂甚矣兄弟爭  
權至以天位爲博奕是謂大亂之世不待保元平  
治也其譟競無耻狡悍不忌千歲之下使讀者掩  
卷是爲何等朝廷乎雖然原彼所以能然者人君  
初使之然焉耳已不慎其德欲敗度縱敗禮以私  
滅公使權下移其勢終至此可不哀哉所賴者祖  
宗之紀綱具在有以一振之雖潰敗之極不患不  
可自立矣史稱花山初即位厲精圖治盜賊屏息  
太宰府去京師二百餘里其私帶兵仗不肯從法  
令者聞上即位皆解散其求言之詔鑿然皆起衰

救敝之急務足以使天下革面洗心雖或由惟成  
美懷之所教而未必不出於其衷也苟執此心不  
撓實其言而擴充之雖有大姦劇賊將斂其手而  
何有於此猥瑣小黠之輩哉奈何其以一婦人之  
故而舍天下之悅將歸已而不顧甘爲人所騙弄  
視其始如兩人者何哉仲尼贊乾曰天行健君子  
以自強不息他日論剛曰慾焉得剛故人君欲制  
權臣當先自制其慾不能制其慾則失其剛其自  
強者息彼將反制我

